



Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 86. Procerum quamplurimi penes Regem trucidati.

[urn:nbn:de:hbz:466:1-66495](#)

Sæcul. XVI sanguine manans tanto impetu medium
 A.C.1525. aciem, cui ipse Rex præerat, invasit, ut
 Gallorum acies instaurari haud amplius posset.

§. LXXXVI.

*Procerum quamplurimi penes Regem
 trucidati.*

In turbato hoc rerum statu nil reliquum erat, quam ut illi, qui animi fortitudine, ac pio in Regem affectu ceteris eminebant, Franciscum cingerent, eumque valide tuerentur. Ex his quantocius cadebant ante Regis oculos egregia morte defuncti Palicius, Trimollius Dux, Galeatus Sànseverinas supremus Franciæ Armiger, nec non alius ejusdem nominis Magnus Regiæ Magister, præter quos etiam Bonivetus occisus est, cuius obitus famam nullius luctus excepit. Quin imo referunt nonnulli, quod Borbonius furore ac vindictæ cupidine accensus studiose in occisum inquisierit, ac tandem sine armis, ac vestibus reperto exprobaverit hæc verba: O infelix, tu meæ ac Franciæ ruinæ caussa fuisti. Enimvero communi omnium judicio Boniveti interitus adscribatur promeritæ pœnæ, quam ob perversa sua consilia, & nimiam, qua Regis animum suo arbitrio

*Brantome
 vie des Hom-
 mes illustres.*

bitrio subiectum tenebat, potentiam Sæcul. XVI.
A.C. 1525.

§. LXXXVII.

Galliarum Rex devictus, catusque.

Ceterum Rex inter suorum cadavera adhucdum gladium manu tenens strenue dimicabat, ubi vero per ultimas cædes fuga elabi contenderat, accurrebant nonnulli hostilis equitatus Belliduces, qui quidem Regem de facie haud novabant, ex armorum tamen splendore virum nobilitate primum suspicabantur; Mem. du
Bellai l. 2.
Ferron. in
Francis. I.
Ant. de Vera
hist. Car. V.
p. 110. unde fugientem pressius insequentes eum in quodam loco valde angusto deprehendunt, occisoque ejus equo Regem eodem ictu in terram projiciunt, non sine magno vitae suæ discrimine; nihilominus licet crure fauciis in pedes tamen sese erexit, ac ferme solus irruentibus restitit. Supervenit Pomeranus, qui Borbonii Ducem ab illo, quo hic mota rebellione e Galliæ regno discesserat, tempore constanter sequebatur: hic ergo Regem accessit, ac gladium stringens crebris ictibus milites cohibuit, qui Regem capturi turmatim accurrebant. Sub idem tempus Pomeranus Borbonium accersiri jussit, ut Franciscum Galliarum Regem captum exciperet. Ve-

L 1 4

rum